



Broj: 08-50-129/2012  
Sarajevo, 17. januar 2012. godine

PRIMLJENO: 23-01-2012			
Organizaciona jedinica	Klasifikaciona oznaka	Redni broj	Broj priloga
01-50-1	15-15	11	

**PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

N/r Denis Bećirović, predsjedavajući

**Predmet: Poslaničko pitanje, odgovor, dostavlja se**

**Veza:** Vaš akt broj: 01/a-50-1-15-15/11

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV) dana 20. decembra 2011. godine, zaprimilo je Vaš akt, broj veze, kojim u skladu sa članom 155. stav 3. Poslovnika Predstavničkog doma Parlamentarne skupštine BiH, od VSTV-a tražite dostavu odgovora na poslanička pitanja postavljena od strane poslanika Beriza Belkića i to:

*„Kada će i šta poduzeti Visoko sudsko i tužilačko vijeće BiH da zaustavi kršenje Anexa VII Dejtonskog sporazuma od strane pravosudnih institucija, jer su ovim Anexom strane potpisnice potvrdile svoju opredijeljenost poštivanja prava izbjeglih i raseljenih osoba, posebno prava na povratak, kao i prava na povrat imovine i/ili kompenzaciju? Dakle, ne može vlasnik imovine-povratnik biti obavezan na kompenzaciju, već isključivo nadležne vlasti.*

*Kad će i šta Visoko sudsko i tužilačko vijeće poduzeti da se osigura primjena Uputstva koje je izdao visoki predstavnik a vezano za obeštećenje ulaganja privremenih korisnika, prema kojem privremeni korisnik ima pravo samo na naknadu nužnih i neophodnih ulaganja?“*

U vezi sa predmetnim pitanjima, a imajući u vidu zakonom utvrđene nadležnosti VSTV-a obavještavamo Vas o sljedećim poduzetim aktivnostima:

U oktobru 2011. godine Ured visokog predstavnika (OHR) obratio se VSTV-u molbom za dostavu podataka o načinu primjene odredaba zakonā o povratu imovine u Bosni i Hercegovini, u cilju praćenja poštivanja prava zajamčenih Aneksom VII Općeg okvirnog sporazuma za mir u Bosni i Hercegovini.

Tačnije, OHR je od VSTV-a tražio pomoć u prikupljanju podataka od sudova u BiH o primjeni sljedećih propisa:

1. član 27a. Zakona o prestanku primjene Zakona o korištenju napuštene imovine („Službeni glasnik Republike Srpske“, br. 39/03), sada član 35. prema renoviranom tekstu Zakona (Službeni glasnik Republike Srpske, br.79/07);
2. član 17d. Zakona o prestanku primjene Zakona o privremeno napuštenim nekretninama u vlasništvu građana („Službene novine Federacije BiH“, br.56/01);
3. član 18a. Zakona o prestanku primjene Zakona o napuštenim stanovima („Službene novine Federacije BiH“ br. 18/99, 56/01).


Navedene odredbe se odnose na prava privremenog korisnika napuštene imovine da od vlasnika ili nosioca stanarskog prava, u skladu sa Zakonom o obligacionim odnosima, povрати lična sredstva potrošena na „nužne troškove“ za stan ili kuću tokom perioda privremenog korištenja.

S tim u vezi, dana 28. oktobra 2011. godine održan je sastanak sa predstavnicima OHR-a, UNHCR-a, OSCE-a i Institucije Ombudsmana za ljudska prava Bosne i Hercegovine. Tom prilikom VSTV je iskazao spremnost na suradnju te je pružena podrška navedenim institucijama u cilju praćenja i ostvarenja prava zajamčenih Aneksom VII Općeg okvirnog sporazuma za mir u Bosni i Hercegovini.

U tom smislu izvršena je analiza podataka sadržanih u Sistemu za automatsko upravljanje sudskim predmetima (CMS), a koji se tiču traženih pravnih osnova. Uvidom u podatke koje pruža CMS utvrđeno je da je u sudovima u BiH završeno 173 predmeta u kojima postoji donesena odluka po navedenom pravnom osnovu. S obzirom da VSTV u okviru svojih zakonskih nadležnosti nema mogućnost detaljnog uvida u konkretne sudske predmete, te da je za uvid u svaki pojedinačan predmet potrebno odobrenje predsjednika suda, VSTV je u ime OHR-a, Ombudsmana za ljudska prava Bosne i Hercegovine, UNHCR-a i OSCE-a uputio dopis sudovima sa zahtjevom za uvid u sva 173 završena predmeta. Iz sudova su zaprimljeni potvrdni odgovori kojima je dopušten uvid u završene predmete koji se tiču stambenih sporova. Pored navedenog sudovi su dostavili i podatke o broju predmeta pokrenutih po navedenim pravnim osnovima u kojima postupak još uvijek nije završen (ukupno 115).

Sve informacije prosljeđene su OHR-u na dalje postupanje.

S poštovanjem,



Predsjednik

*Milorad Novković*  
Milorad Novković